

Kuentue yoo kulaano

Los dos conejos




Kuentue yoo kulaano

Tseki'an ra kuentue yoo kulanuchjan, naa kuthie ko naa kurua.

Naa ncha'on kulaano thie tajitsuntaon ba, ko kain ncha'on anto bachee ba mexinxin bachrinka ba, bakinga ba, ko nthi'á chiaon be'e kachjichjan yua bane ba.

Aro be'e ba xraxaon ba: “Mee, thi jian dakji'an, ¿kja?”



Ko tajixraxaon ba are bikon ba batho kulaano rua. Aro anto jitsanga ba ko anto jithinga ba. Ko kulano thie xraxaon ba: “¿Ke'e ku'en xan ji'i? ¿Unda jitsjanga xan?”



Kuthejan ruee kulaano thie ko banchiangi'i choo ba:

—¿Unda anto ritsjanga?

Je'e kulano rua ndachro ba:

—¡I,i,i,i,i,i,i! Tari'i nthi'á nchiania, are biji naa kunthakjan ko kjuana ba ndanduachje'en ba ko bengixin na ba nchiania. ¡I,i,i,i,i,i,i! ¿Anchee ke'e sintha'a?

Ko kulaano thie ndachro ba:

—¡Oooo! Ta'a juachjaon. Tsato choo ná, tsji ná, ko sengi ná ba.

Ko kulaano thie xraxaon ba ko ndachro ba:
—¡Anu'a! Nthi'á ngakee nchiandui jii naa
thue kuchuka.

Ko thuin bintekji ba thi be'e thue kuchuka
ko bintenchinao ba.




Kuthejan kjui kulaano thie, ndu'a kulaano
rua ko ndache kunthakjan:

—¡Ke'e rinche'e nthi'i ja'a?, ixin ji'i ndu'a
thi dakji'an jian.

Kuthejan kunthakjan ndachro ba:

—¡Ja'an xraguan'a! Ko kaxon ja'a
rutsjuathe.





Ko kulaano thie tajitsje'e ba kexreen
jitanito kuchuka ngain kunthakjan. Are kuexi'in
bine'e ba ndatsjuen, tse'e ko nthanee. Ko anto
tsanga ba ko sakjui ba.



Ko kayui kulanuchjan kjua choo ba ko anto
binthechee ba ixin kunthakjan bachrjexin
nchiandu'a kulaano rua.